



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 01-04/02-04-32093-157/24
Sarajevo, 17.9.2024. godine

SKUPŠTINA KANTONA SARAJEVO
n/r Okerić Elvedina, predsjedavajućeg Skupštine Kantona Sarajevo

PREDMET: Odgovor na zastupničku inicijativu. dostavlja se

Cijenjeni,

Zastupnica u Skupštini Kantona Sarajevo **Elza Gaković** je u okviru 16. Radne sjednice Skupštine Kantona Sarajevo, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka), uputila zastupničku inicijativu:

„Obzirom na višegodišnji problem stanovnika Rajlovca, roditelja čija su djeca svakodnevno izložena opasnosti na život na putu od škole do kuće zbog nepostojanja adekvatnog autobuskog stajališta školskog autobusa na adekvatnoj lokaciji, kao i zaštitne ograde uz rub ulice Safeta Zajke, pokrećem hitnu proceduru definisanja autobuskog stajališta za potrebe djece koja pohađaju osnovnu školu „Sokolje“, a žive u Rajlovcu i postavljanje zaštitne ograde čitavom dužinom ulice kretanja školske djece. Predmetno autobusko stajalište neophodno je definisati na lokaciji Safeta Zajke 388“.

Odgovor:

Zahvaljujemo uvaženoj zastupnici na dostavljenoj inicijativi koju svakako podržavamo, posebno imajući u vidu značaj sigurnosti djece i učenika koji svakodnevno učestvuju u saobraćaju u ulozi putnika ili pješaka na putu do škole.

U skladu sa članom 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj: 40/2022), Ministarstvo za odgoj i obrazovanje Kantona Sarajevo vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.

Imajući u vidu prethodno navedeno, u nadležnosti Ministarstva za odgoj i obrazovanje Kantona Sarajevo, nije donošenje i realiziranje odluka koje se odnose na sigurnost u saobraćaju.



Navedena oblast koja se odnosi na sigurnost u saobraćaju je u nadležnosti Ministarstva za saobraćaj Kantona Sarajevo, kojima ste također, uputili navedenu zastupničku inicijativu.

Upućujemo Vas da se povodom navedene inicijative, obratite i načelniku Općine Novi Grad, kao i Vijeću za sigurnost saobraćaja na cestama u Kantonu Sarajevo koje je osnovano Odlukom Vlade Kantona Sarajevo („Službene novine Kantona Sarajevo“, broj: 35/22 i 15/24), u čijem sastavu se, u skladu sa čl. 3. pomenute odluke, nalazi i predstavnik Ministarstva za odgoj i obrazovanje Kantona Sarajevo.

S poštovanjem.



Dostaviti:

1. Naslovu
2. Sekretaru Ministarstva
3. A/a.